

# U G O V O R

## ZA NABAVKU PROMOTIVNOG MATERIJALA USTAVNOG SUDA BOSNE I HERCEGOVINE

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine, (u daljem tekstu: **Naručilac**),

i

**HELEDIS d.o.o Sarajevo**, Kemala Kapetanovića br. 13, Sarajevo, koga zastupa Dino Duraković, direktor (u daljem tekstu: **Isporučilac**).

### Član 1.

Predmet ugovora je nabavka i isporuka promotivnog materijala za potrebe Naručioca, prema sadržaju ponude Isporučioca od 13. oktobra 2022. godine, koja je sastavni dio ovog ugovora.

### Član 2.

Cijena za nabavku iz člana 1. ovog ugovora, za jedan komad, definisana je u ponudi Isporučioca i iznosi 75,00 KM bez PDV-a, odnosno 87,75 KM sa PDV-om.

Ukupna cijena za količinu od 50 (pedeset) komada iznosi 3.750,00 KM bez PDV-a odnosno 4.387,50 KM sa PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

### Član 3.

Isporučilac se obavezuje da će robu isporučiti u prostorije Naručioca i istu fakturisati najkasnije do 30. novembra 2022. godine.

### Član 4.

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Sve reklamacije u pogledu kvaliteta dostavljene robe Naručilac će uložiti Isporučiocu u roku od 2 (dva) dana, a Isporučilac će ispraviti sve navedene primjedbe u pogledu kvaliteta u roku od 15 (petnaest) dana.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 15 dana po kvalitativnom i kvantitativnom prijemu robe bez primjedbi i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

#### Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.  
Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

#### Član 7.

Ovaj ugovor stupa na snagu danom potpisivanja od strane ovlaštenih lica ugovornih strana.

#### Član 8.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

#### ZA ISPORUČIOCA

Dino Duraković

Direktor

Sarajevo, 21.10.2022  
Broj: 45/22

#### ZA NARUČIOCA

Nataša Vuković

Glavni sekretar Ustavnog suda  
Bosne i Hercegovine

Sarajevo, 17. oktobar 2022.god  
Broj: SU-08-1102-2/22

